

ճիներուն եկեղեցին պատարագեմ. խնդրեցի ի նոցանէ թէ միայն գիշերն մին տեղ տուէք ինձ վասն ննջելոյ. ասացին ոչ գոյ. ահ մին օտայ նստած ենք ես և փոքրաւորն. ամիսն երեք օսկի. աստուած օրհնէ այս տղան. եթէ սա ոչ լինէր, չափէն ի դուրս ողորմելի լինէի: Չայսքան անձք անձին ի գլուխս մեր. բայց զասպագայն ոչ գիտեմք թէ զինչ լինելոց է. քանզի ասեն թէ եթէ բէլլըրդատ տաճիկն աւնու, վարատին կենալն հնար չէ...:

Գերյարգելութեան քում Թում պատրաստական յամենայնի

1739 Օգոստոսի ԺԵ  
ծրեցաւ ի վարատին

Նուաստագունեղ ծառայ  
Հայր Յակոբ ողորմելի

### ՂԳ.

Այլևս Թուրք — Աւստրիական պատերազմի վերջաբանն է, որ խնամքով կը նկարագրուի Հ. Թ. Յովհաննիսեանի նամակին մէջ:

Պատմութիւնը կ'աւանդէ որ մեր նամակագրին յիշատակած երկու աւստրիացի զօրավարները՝ Վալլիս և կոմս Նայփէրկ՝ կը բանտարկուին կայսեր հրամանաւ, որովհետև անմիջապէս գիշաներ էին Պելկրատու հաշտութեան համար Օսմանցւոց կողմանէ դրուած անարգ պայմաններուն:

Նամակագիրս կու տայ նաև ուրիշ հետաքրքրական տեղեկութիւններ:

Օրհնեալ: Յիսուս: Քրիստոս:

Գերապայծառի և գերյարգեցիկոյ Տեսա՛ն Մխիթարայ Աբբայի Հօրդ մերում բնականրաւ կանի մեծաւ խոնարհութեամբ մատուցանել գորդիակամ ողջոյն և զնկազանդութիւն:

... ի 7 սեպտեմբերի թաղեցաք զԵպիսկոպոսն ի պէլիկրատն, (որ այլով անուամբ Գարօլինայ կոչի) և անդ էր վերագրեալ [Էլիզապէթապօլսեցի] Տէր Մինասն ևս...: Ես թերևս զինի սակաւուց խնդրելոց եմ գծերակոյտն, զի զվկայութիւն գրիցեն վասն իմ, բայց այժմ ոչ իշխեմ, զի են ի մեծի ալէկոծութեան շուրջ զDominiumիւն, քանզի որպէս ըստ առակին, Chi compra terra, compra guerra. այսպէս սոքա յորմէհետէ զնեցին զՏօմինիումն 101000 տուգաթով, ոչ ունին զխաղաղութիւն և զհանգիստ, այլ միշտ են ի խռովութիւնս և յաղմուկս: Եւ ինքեանք վկայեն, թէ յառաջ քան զտիրանալ նոցա տօմինիումին, հանգիստ, ուրախ, և խաղաղ և միաբանք էին քաղաքացիքն, բայց այժմ ներհակն: Այլ նորագոյն լուր ոչ գոյ աստ վասն անցելոց պատերազմաց, քանզի ասեն թէ խաղաղութիւն է. այսու դաշամբ, զի զպէլիկրատն աւերիցեն, և աւերեալ տայցեն ի ձեռս տաճկաց, և այսու պայմանաւ, զի զբերդն յաւիտեան ոչ շինիցեն տաճիկք, այլ այնպէս աւերեալ թողցեն. և այս զամս 26. ըստ ոմանց զամս 24, և ըստ այլոց զամս 28: Եթէ այսպէս իցէ՝ Քիստակար խաղաղութիւն է, և մանաւանդ քայլ քայլումն է քրիստոնէութեան քան թէ խաղաղութիւն: Լուաք թէ Սրբազան Փափն և ամենայն եկեղեցականք, նաև ամենայն Electorք ոչ կամին ընդունիլ զորոգայթաւոր խաղաղութիւնս զայս, և ասեն թէ 2 կենէրալք, այսինքն վալիսն և Նայպէրկն են ի բանտի ի վէննա, վասն կաշառակոծութեան. նաև 6 կենէրալք են ի կոստանդինուպօլիս ի պահետի առ տաճիկսն, որպէս զի եթէ կայսրն մեր եղծիցէ զդաշինս կոչեցեալ՝ հատցեն զգլուխս նոցա. յանցեալ շաբաթու ասէին թէ զ6000 տաճիկս սրախողխող արարեալք իցեն ի Պէլկրատն, և զայլ անթիւ սուտս ասեն իբրև զճշմարիտս, և յետ սակաւուց այլք ստեն զյառաջագոյն ասացեալսն: ... նաև ճանապարհքն փակք են դեռ ևս: 7 ամիս է, յորմէ հետէ վաճառական ոմն Ովանէս վասիլեան կոչեցեալ, յղեաց զկրտսեր եղբայրն